

佛說護諸童子陀羅尼呪經

元魏三藏法師菩提留支譯

爾時如來初成正覺有一大梵天王來詣佛所敬禮佛足而作是言

南無佛陀耶 南無達摩耶 南無僧伽耶

我禮佛足尊 照世大法王 在於閻浮提

最初說神呪 甘露淨勝法 及禮無著僧

已禮三足足 即時說偈言 世尊諸如來

聲聞及辟支 諸仙護世王 大力龍天神

如是等諸衆 皆於人中生 有夜叉羅刹

常喜噉人胎 非人王境界 強力所不制

能令人無子 傷害於胞胎 男女交會時

使其意迷亂 懷妊不成就 或歌羅安陀

無子以傷胎 及生時奪命 皆是諸惡鬼

爲其作燒害 我今說彼名 願佛聽我說

行四

三

第一名彌伽迦 第二名彌伽王 第三名

騫陀 第四名阿波悉魔羅 第五名牟致

迦 第六名魔致迦 第七名閻彌迦 第

八名迦彌尼 第九名梨波坻 第十名富

多那 第十一名曼多難提 第十二名舍

究尼 第十三名捷吒波尼尼 第十四名

目佉曼荼 第十五名藍婆

此十五鬼神常遊行世間爲嬰孩小兒而作

於恐怖我今當說此諸鬼神恐怖形相以此

形相令諸小兒皆生驚畏

彌伽迦者其形如牛 彌伽王者其形如師

子 騫陀者其形如鳩魔羅天 阿波悉魔

羅者其形如野狐 牟致迦者其形如獼猴

魔致迦者其形如羅刹女 閻彌迦者其

形如爲 迦彌尼者其形如婦女 梨波坻

者其形如狗 富多那者其形如猪 曼多
難提者其形如猫兒 舍究尼者其形如鳥
捷吒波尼尼者其形如雞 目佉曼荼者
其形如熏狐 藍婆者其形如蛇
此十五鬼神著諸小兒令其驚怖我今當與
說諸小兒怖畏之相
彌酬迦鬼著者小兒眼睛迴轉 彌迦王鬼
著者小兒數數嘔吐 騫陀鬼著者小兒其
兩肩動 阿波悉魔羅鬼著者小兒口中沫
出 牟致迦鬼著者小兒把拳不展 魔致
迦鬼著者小兒自齧其舌 閻彌迦鬼著者
小兒喜啼喜笑 迦彌尼鬼著者小兒樂著
女人 梨波坻鬼著者小兒現種種雜相
富多那鬼著者小兒眠中驚怖啼哭 曼多
難提鬼著者小兒眠中喜啼喜笑 舍究尼

鬼著者小兒不肯飲乳 捷吒波尼尼鬼著
者小兒咽喉聲塞 目佉曼荼鬼著者小兒
時氣熱病下痢 藍婆鬼著者小兒數噫數
噦
此十五鬼神以如是等形怖諸小兒及其小
兒驚怖之相我皆已說復有大鬼神王名栴
檀乾闥婆於諸鬼神最爲上首當以五色綖
誦此陀羅尼一徧一結作一百八結并書其
鬼神名字使人費此書綖語彼使言汝今疾
去行速如風到於四方隨彼十五鬼神所住
之處與栴檀乾闥婆大鬼神王令以五色綖
縛彼鬼神兼以種種美味飲食香華燈明及
以乳粥供養神王爾時大梵天王復白佛言
世尊若有女人不生男女或在胎中失壞墮
落或生已奪命此諸女等欲求子息保命長

壽者當常繫念修行善法於月八日十五日

行四

五

受持八戒清淨洗浴著新淨衣禮十方佛至
於中夜取少芥子置已頂上誦我所說陀羅
尼呪者令此女人即得如願所生童子安隱
無患盡其形壽終不中夭若有鬼神不順我
呪者我當令其頭破爲七分如阿梨樹枝即
說護諸童子陀羅尼呪

多囉他 阿伽羅 伽寧那 伽伽寧 婆
漏餘祇餘 伽婆餘 婆餘 婆餘 不餘
不餘 羅叔祢 修羅俾 遮羅俾 婆陀

尼 沙尼 婆囉呵 那易 彌那易 蘇
波呵

世尊我今說此陀羅尼呪護諸童子令得安
隱獲其長壽故爾時世尊一切種智即說呪
曰

多囉他 菩陀 菩陀 菩陀 毘摩帝 菩
提菩提 摩餘式叉夜 婆舍利 婆多禰
婆羅陀 頭餘 頭餘 婆臘多 頭餘
舍摩膩 叔鞞叔餘 婆臘帝叔藍 舍彌
帝 槃他槃締 婆呵膩 祇摩膩 陀波
膩 蘇婆呵 膩婆 羅膩 蘇婆呵
此十五鬼神常食血肉血以此陀羅尼呪力故
悉皆遠離不生惡心令諸童子離於恐怖安
隱無患處胎初生無諸患難誦此呪者或於
城邑聚落隨其住處亦能令彼嬰孩小兒長
得安隱終保年壽南無佛陀成就此呪護諸
童子不爲諸惡鬼神之所燒害一切諸難一
切恐怖悉皆遠離蘇婆呵時此梵天聞說此
呪歡喜奉行
佛說護諸童子陀羅尼呪經